

那文毅公奏議

邵文毅公初任直隸總督奏議卷五十目錄

卷二十

訓練武備

籌議換防

籌議表兵

勅察馬政

那文毅公初任直隸總督奏議卷五十

上海市唐史文
獻圖書館藏

男容安恭輯

訓練武備

嘉慶十九年十一月初二日

奏爲敬陳校閱督標營伍情形事竊照督標官兵例於
每年冬間校閱一次以覘優劣臣自京回省後於
十月二十七口暨二十九等日將左右前後四營
並保定城守營官兵次第考校先令配隊走陣步
伐等止俱屬整齊合度施放連環鎗礮均能齊整
騰牌械跳舞便利馬上裸技及演扒雲梯亦極

督率弁兵認真訓練務使技藝益臻精熟通省悉成勁旅以仰副

聖主整飭戎行修明武備之至意謹

奏奉

硃批實心操練務成勁旅

嘉慶二十年十月十八日

奏爲查閱天津鎮標營伍情形事竊照本年輪應查閱直隸等省營伍經部

臣

奏奉

諭旨著各該撫就近查閱欽此臣由永定河北七工驗

收工竣卽於十三日馳抵天津該鎮祥啟已將津鎮左右城守並河間通州二協及務關路碑河葛沽霸州靜海武清豐潤玉田舊州張灣采育三河寶坻四黨口各營路官兵先期調集臣於十三日到來於十五日校閱完竣所有將弁各員年力俱屬壯盛騎射較優者十之四五餘亦合式其鎮標及營路兵丁配隊演陣尙屬整齊施放連環亦俱聯絡烏鎗中靶在十五鎗以上例應列爲二等弓箭亦屬合式惟演習長矛尙覺稍軟軍裝器械俱尙鮮明查驗馬匹亦屬臚壯當將弁兵技藝嫺熟

者當場獎賞其生疎者分別降伍責革查天津一帶沿海要區兵力必宜精壯臣諄囑鎮臣祥啟督率各將備等認真操防尤須加意訓練長矛務使材技益臻精熟以期仰副

聖主武備修嚴之至意謹

奏奉

硃批知道了

嘉慶二十年十一月初三日

奏爲敬陳校閱督標營伍情形事竊照督標官兵例於每年冬間校閱一次以覘優劣今歲輪應校閱營

伍之年欽奉

諭旨著

臣

就近查閱尤應認真考核

臣

自天津回省後於

十月二十七暨二十九等日將左右前後四營並
保定城守營官兵逐一考校先令配隊走陣步伐
進止俱屬整齊合度施放連環鎗礮均能齊整籐
牌對械跳舞便利馬上裸技及演扒雲梯亦極趨
捷烏鎗中靶多在七分以上弓力自六力至十四
力不等步箭每人五矢中至三矢以上者十之六
七拉弓撒放較前少知講究各營演習長矛此次
考校於扎桿進步撥刺之法較臻熟練臣將技藝

較優者當場獎賞人材超衆當差奮勉者另行存
記遇缺拔補其技藝軟弱者分別責革並嚴諭各
營將備等及嚴飭提鎮各營一律督率弁兵認真
訓練務使技藝益臻精熟通省悉成勁旅仰副
聖主整飭戎行修明武備之至意謹

奏奉

硃批覽

嘉慶二十一年二月十九日

奏爲敬陳查閱馬蘭鎮屬營伍情形事竊臣於上年欽
奉

諭旨派令查閱直隸省營伍所有閱過天津鎮標情形業

經具奏在案茲

臣

於本年二月十七日抵馬蘭鎮

經兼署鎮

臣

徐錕將各營官兵先期抽調齊集

臣

卽將鎮屬左右二營並遵化薊州黃花山曹家路
墻子路等營將弁逐員考驗年力壯健騎射可觀
者十之七分餘亦合式隨將各營兵丁配隊演陣
進止步伐均屬整齊施放連環亦能連貫烏鎗中
靶堪列一等弓箭及長矛亦屬合式軍裝器械鮮
明馬匹臚壯當將技藝優嫻將備弁兵當場獎賞
其兵丁內生疎遲鈍者分別責革以示勸懲該鎮

係

陵寢重地守衛尤應嚴肅

臣

復諄切嚴飭將備等務須勤

加訓練俾技藝益臻嫺熟仰副

聖主整飭戎行之至意謹

奏奉

硃批知道了

嘉慶二十一年三月二十一日

奏爲查閱泰寧鎮屬營伍情形事

臣

於上年欽奉

諭旨派令查閱直隸省營伍所有查閱過天津馬蘭鎮營

伍情形

奏蒙

聖鑒茲臣於三月初十日抵秦寧鎮當經鎮臣成書將各

營官兵先期調集臣卽將該鎮標左右水東三營

暨易州紫荆馬水沿河白石廣昌等營將弁逐員

考驗年力俱屬壯健騎射亦多可觀各營合操配

隊演陣步伐均屬整嚴施放連環亦能聯絡烏鎗

弓矢中靶均堪列爲一等演習長矛亦皆漸次嫻

熟藤牌跳舞一切雜技皆便捷趨健查驗軍裝器

械銳利鮮明馬匹臚壯足額當將材技出色弁兵

分別獎賞存記以昭勸勵臣復諄囑該鎮嚴飭將

備等倍勤訓練務使益砥精純以仰副

聖主修嚴武備之至意謹

奏奉

硃批知道了

籌議換防

嘉慶二十年二月二十八日

奏爲辦理換防官兵恭摺奏明事竊查烏里雅蘇台科布多二處向於直隸山西二省派官十一員兵四百名前往駐防五年期滿更換嗣於乾隆四十六年經定邊將軍奏請裁減同營兵一百名又經科布多辦事大臣奏請添留屯田把總一員兵二十名嘉慶四年定邊將軍又奏添烏里雅蘇台兵八十名於換班時一併派往共應派官十二員兵四百名內除山西省派官二員兵三十八名外直隸

應派官十員兵三百六十二名所有上次派往官兵自嘉慶十五年三月換防以來今又五年期滿前接准定邊將軍咨會卽先後行據宣化鎮總兵音登額查明添派並由布政使錢臻會同臣標下中軍副將舒凌阿議詳前來臣查直隸省應派官十員內除軍營告留把總三員毋庸另派外現應於通省旗員內派出叅將一員宣化鎮所屬派守備一員千總一員把總三員外委一員以數七員之數又應派兵三百六十二名內除上屆派往此次告留軍營馬步兵二百八十六名外竊應派馬

步匠藝兵七十六名照例馬兵各帶本身營馬所需軍裝鍋帳等件於各營內撥給帶往應需裝載軍器火藥等項駝隻鞍韉俱照土局之例核明給發口外應需三個月口糧亦仍在於大同府分別支給裹帶其官兵跟役應需整裝鹽菜等銀均遵照乾隆四十三年欽奉

諭旨照舊賞給至官兵借項除官員遵

旨借俸一年外其養廉餉乾等銀亦按照節次換防成例酌量借給總計一年之數有減無浮仍分季核扣還項一面檄飭口北道先於軍需項下動支給發

事竣由藩司核明於司庫內撥還歸款並分咨戶
兵二部謹

奏奉

硃批該部知道

議覆裁兵

嘉慶十九年八月初七日

奏爲欽奉裁兵

諭旨恭摺覆奏事竊照本年四月間准兵部咨開三月二十六日奉

上諭從來兵制與國賦相權而行我朝建設各省營兵久有定額其小有損益亦皆就地方情形隨時酌定惟乾隆四十六年添補名糧額缺案內一時各省驟添兵六萬六千餘名爲數較多迄今三十餘年於武備甚無裨益而帑項已多用至四千餘萬前曾降旨令大學士軍

機大臣會同兵部將增設名糧額數酌量汰減詳議具奏本日議上朕披覽摺內現在各省額兵六十二萬四千餘名較之雍正年間及乾隆四十六年以前所增實多自應酌加裁減惟各該省情形有今昔不同者亦當熟思審慮各就現在經制參考先後所設兵數泐防控制情形將應汰應留通盤籌畫庶餉不虛糜而兵皆足用著各省總督山東山西河南巡撫成都將軍河道漕運總督各將所屬標下及該提撫鎮協等營兵內每省可以汰減若干據實具奏彙交原議大臣再行核議欽

此仰見

皇上循名責實因時制宜

睿慮淵深實爲經國久遠之計

臣

跪誦之下曷勝欽服伏

查乾隆四十六年查辦各省名糧其時部

臣遵

旨議准添給武職養廉將向扣名糧虛額議令添募實兵

計直隸省共添兵四千七百五名分撥各標營汛

募補足數以資差操迄今三十餘年其間每遇地

方河工先後情形不同節經奏明抽撥嘉慶七年

因永定河南北兩岸巡防乏人經前督

臣

陳大文

奏明在於督提二標並宣化天津二鎮標撥兵四

百名又嘉慶十六年前督

臣

溫承惠因承德府地

方遼濶奏請添設營汛在於督提兩標及宣化鎮等五鎮標撥兵一千零九十名分別安置本年大名府又經臣奏明在於督提兩標及天津宣化兩鎮共抽撥兵一千名分置各處現在督標共兵四千五百八十九名提標共兵九千二百九十三名馬蘭鎮標共兵二千六百七十四名泰寧鎮標共兵三千七十三名正定鎮標共兵五千六百八十九名宣化鎮標共兵七千一百七十五名天津鎮標共兵六千一百一名承德府屬捕盜營共兵一百五十六名順天府屬東西南北四路捕盜營共

兵三百七十二名張家口獨石口二廳捕盜營共
兵八十名統計通省額設馬步守臺墩各兵共三
萬九千二百二名臣伏思設兵固不可以冗濫而
今昔情形不同裁兵亦應加以慎重直隸一省保
障

京畿扼守關塞地形勢最爲衝要向設額兵何處可
以裁減何處應照舊存留必須詳查情形熟籌辦
理方可以昭完備而垂久遠臣到任甫經半載直
隸通省營制雖東南兩路已經親歷而西北兩路
尙未親至其地於地勢山川情形未能周知難於

懸議裁汰容俟查明全省情形將應汰應留之處再行悉心妥議陸續奏請

訓不謹

奏奉

硃批知道了

勅察馬政

嘉慶十九年二月初七日會同直隸提督文公憲

奏爲查明古北口營馬虧短旗馬未能照例拴養情形

分別擬議事竊

臣奉

旨查辦署古北口提督

臣

文憲所奏馬政廢弛一案遵於

二月初四日馳抵古北口傳集署中軍叅將盧銘

中及各營將備暨經管庫項之把總馬清龍等詳

加訊問據將備等僉稱四營例養營馬六百九十

匹歷年陸續虧缺截至十八年十月底共缺馬二

百四十一匹俱經扣存領到馬乾收貯提署庫內

計銀二千四百一十兩十八年十一月初旬用銀
二千兩買補馬一百六十一匹尙缺馬八十四匹未
及買補是實等語隨飭委員點驗馬匹數目並存
用馬乾賬目尙屬相符此營馬虧短扣馬乾爲馬
價並已補未補之實在情形也又訊旗馬全不喂
養一款據將備等僉稱歷年旗馬俱係提督於領
馬交馬時現派員弁承辦四營將備未曾經手只
求向經營賬目之把總馬清龍訊問就得明白訊
據馬清龍供稱嘉慶十三年以前提督色克通阿
任內辦理營旗馬匹動用銀兩款項業經提督薛

大烈參辦結案自十三年至十七年古北口應領旗馬一項俱係折存馬價積存馬乾每年春季買馬交差交牧所餘銀俱經歷任提督辦公動用至十八年秋季應領旗馬四百一十匹亦係循照歷年辦法折變價銀同冬季領到旗馬乾銀現俱存庫並未動用等語隨飭開單呈閱與文寧所奏各款無異弔查歷年底賬總數散數亦屬相符應卽就此定案查定例營馬未滿五年例缺者按年分多少賠補今古北口營馬虧缺歷年遞積至二百四十一匹之多雖經買補皆係動用扣存馬乾並

未賠償殊屬不合應將未經買補馬八十四匹並動
用馬乾買馬銀兩均著落厯任提督將備等照數
賠補容臣文宣查明著追辦竣後仍分別報部至
該員等相沿陋習未諳定例既經著賠應請免其
置議至旗馬一項自嘉慶十三年至十七年折變
馬價支領馬乾共計銀四萬九千一百二十四兩
四錢五分七釐內除秋季領馬春季買馬交差一
切費用銀三萬一千五百六十一兩九錢三分又
除貼補各營喂養營馬共銀八千六百五十三兩
八錢一分八釐二共四萬零二百一十五兩七錢

四分八釐雖非本款應動之項究因辦理馬匹事
件動用應請免其著賠餘銀八千九百零八兩七
錢零九釐內除已經補還銀兩不計外署提督福
長安辦公賞兵等項用過銀四百七十兩四錢五
分六釐提督薛大烈辦公賞兵等項用過銀二千
七百三十兩零九錢六分八釐署提督積拉堪辦
公賞兵等項用過銀二百兩提督喜明辦公賞兵
等項用過銀四千八百零二兩二錢八分五釐共
銀八千二百零八兩七錢零九釐請按各任所用
銀兩數目著落賠繳不准請限其馬瑜任內業經

補還銀七百兩仍飭貯庫俟歷任賠繳全完之日
歸入旗馬乾項下作正支用至歷任正署提督福
長安薛大烈積拉堪喜明均有動用細查卷賬各
該員所私自借用者不過十餘兩至數十兩不等
爲數無多然究係動用公項未便因其以公濟公
業經著賠遂免置議仍請

旨分別將用銀較少之福長安積拉堪交部察議薛大烈
喜明二人用數過多雖均非私侵入已究有不合
應請將該二員交部議處至十八年應領旗馬未
經掄養本年一屆立夏例應交察哈爾放青臣文

宣現卽飭各營將備先將積存馬價馬乾銀兩上
緊購辦所有銀兩著落馬瑜賠繳作爲喂養旗馬
之用至上年秋季領馬之際正值馬瑜奉

命出差未能兼顧業經著賠應請

旨免其交部議處再

臣

那彥成拜摺後卽於初七日起程

回京覆

命謹

奏

嘉慶十九年二月初八日奉

上諭那彥成等奏查明古北口營馬虧短旗馬未能照例

查舊情形分別擬議一摺古北口營馬歷年虧短扣存馬乾買補並未賠償所有未經買補馬八十匹並動用馬乾買馬銀兩著歷年提督將備等照數分賠其旗馬一項自嘉慶十三年至十七年折變馬價支領馬乾銀兩除辦理馬匹事件動用各款免其著賠外歷任正署提督辦公賞兵各有動用之項殊屬不合積拉堪用過銀二百兩著交部察議福長安用過銀四百七十餘兩伊係棄瑕錄用之人又私行挪用公項著交部議處薛大烈用過銀二千七百餘兩喜明用過銀四千八百餘兩均著交部嚴加議處伊四人所用銀兩仍著照數賠

繳不准分限餘俱照所議完結該部知道

那文毅公初任直隸總督奏議卷五十

那文毅公初任直隸總督奏議卷五十一目錄

卷五十一

推薦賢能

議改定告病人員題咨出缺日期

那文毅公初任直隸總督奏議卷五十一

男
容安恭聯

推薦賢能

嘉慶十九年三月初四日

奏爲查明承辦兵差尤爲出力各員遵

旨保奏恭懇

聖恩事竊

臣

承准軍機大臣字寄欽奉

上諭自上年剿捕逆匪以來直隸承辦兵差及馳遞軍報
文武各員均能妥協經理並無貽誤著那彥成詳悉查
明擇其尤爲出力者秉公保奏給予議敘欽此

臣

跪誦

之下仰見

皇上獎勵微勞

施恩優渥不勝欽佩伏查上年滑縣逆匪滋事延及直隸
邊境地方經前署督臣章煦督率各員設立軍需
總局調度一切並飭委員安設臺站派調車馬運
送軍裝糧餉承辦文移稿件均能認真出力不辭
勞瘁今遵

旨詳悉查明擇其尤爲出力者開單保奏仰懇
皇上

天恩加以鼓勵各員渥荷

鴻慈自必倍深感激至沿途州縣馳遞軍報迅速無悞容
查明造冊另行咨部議敘謹

奏

嘉慶十九年三月初六日奉

上諭那彥成奏遵旨保奏承辦兵差出力各員一摺加恩
著照所請清河道魯銓交部議敘候補知府李藩候補
同知管文愷候補縣丞包駿著儘先補用清苑縣知縣
金洙著以應陞之缺儘先陞用順德府同知姚嗣懋務
關同知田宏猷河工候補同知姚麟紱候補同知陳世
相漕運通判沈旺生候補通判顧汝壽河工候補通判

孫宣衷候補知縣陳華祝布政司經歷王綬布政司庫
大使方九錫候補州判楊思華吳橋縣縣丞胡奉恩候
補縣丞唐淳周維嘉余萬清任邱縣主簿竇炳廷磁州
吏目宋廣僕候補未入流殷璋杜占春沈元文著交部
從優議敘揀發知州劉用和顏樾揀發知縣何棻趙州
州判施溥長蘆候補經歷徐本厚蘆縣縣丞張曦午束
鹿縣縣丞萬文選候補縣丞胡繁澍俞大勲候補吏目
包騃鹽山縣巡檢宋邦道唐縣巡檢練葵候補從九品
李師伊張欽祖邵騏候補未入流黃麟書宓懷祖著交
部議敘該部知道摺單併發

嘉慶十九年三月初四日

奏上年滑縣逆匪滋擾之時藩司素納先因查災出省
行抵順德接聞此信值高杞署理河南巡撫卸事
進京彼此晤面相商高杞奏明回至河南帶兵剿
捕該司隨即馳至大名一面調集兵丁僱募壯勇
分投布置防堵開州東明長垣迤北州縣不致被
賊蹂躪生靈得以保全實係該司之功迨各路大
兵齊集該司駐劄大名總辦省南軍需督率委員
辦理軍火糧餉均皆妥速且無糜費該司曾在軍
機章京上領班行走臣深知其辦事敏捷居心大

方此次受

恩身任藩司益加小心勤練洵爲可靠惟該司係屬大員

臣未敢保奏但既有此微勞亦不敢壅於上

聞應如何施

恩之處伏候

聖裁謹

奏

嘉慶十九年三月初六日奉

上諭素納在直隸藩司任內爲日本淺失察逆案其咎尙輕上年在大名府城防堵總辦軍需均屬妥協著加恩

交部議敘

嘉慶十九年三月初九日

奏原任陝西軍標遊擊劉英魁前在開州軍營出力經
托津奏蒙

恩旨以守備卽用例應給咨赴部候補惟該員向來緝捕
熟悉現經臣委令查拏各要犯可否留於直隸差
遣遇有守備缺出照例補用出自

皇上

天恩謹

奏奉

硃批依議兵部知道

嘉慶十九年三月二十二日

奏爲守令因公革職奏懇

聖恩俯准捐復原官留直補用以重人材而資治理事竊照直省幅幘遼濶政務殷繁平時治理匪易首在守令得人而大名一帶地方賊氛平定之後辦理一切善後事宜以及緝拏要犯亦須在直年久熟悉地方情形之員差委方可得力臣與兩司留心察看有原任永平府知府薛學詩由大名府經歷洊陞知府在直三十餘年於地方情形極爲熟悉

歷任衝途州縣頗得民心辦理要差俱能妥協無
悞實爲老成結實可靠之員前因山東曲阜縣管
勾官王肇興等赴京呈控孔傳標妄派借用銀兩
案內奉

旨交部革審嗣經審明具奏該參員雖止會審一二次但
未悉心研鞫業經革職免其置議又原任保定縣
知縣傅德臨浙江進士分發直隸補授保定縣知
縣在任三年留心民事輿情貼服官聲甚好因羊
販在境踐食麥苗鄉民聚衆驅逐該員未能妥爲
彈壓又且具稟遲延經前任督臣溫承惠奏參革

職以上二員係可用之材核其草職處分皆屬因公若聽其終身廢棄未免可惜且薛學詩同案草職之保定府知府沈華旭同知俞英世經溫承惠奏請捐復欽奉

上諭著毋庸捐復沈華旭加恩以同知通判用俞英世加恩留於直隸以知縣用欽此茲據薛學詩等呈請捐復由司具詳前來可否仰懇

皇上天恩俯念人材難得

准令薛學詩傳德臨照例捐復原官留於直隸差委遇有相當缺出酌量補用如蒙

俞允所有該員等捐復銀兩卽在直隸藩庫交納遇便搭
解部庫謹將各該員草職原案事由開具清單恭
呈

御覽謹

奏

嘉慶十九年三月二十四日奉

上諭那彥成奏已革知府薛學詩已革知縣傅德臨懇請
捐復原官留直補用一摺薛學詩現已年老其同案革
職之知府沈華旭前經降旨以同知等官補用薛學詩
著毋庸捐復加恩以同知通判用傅德臨著准其捐復

原官俱著留於直隸差委遇有相當缺出酌量補用該部知道

嘉慶十九年四月初三日

奏爲直隸州知州要缺需員揀選奏懇

聖恩俯准陞署以資治理事竊查易州直隸州知州趙錫蒲出缺查有清苑縣知縣金洙居心謹慎辦事勤練先經委署易州印務辦理無悞以之陞署易州直隸州知州實堪勝任惟該員歷俸未滿三年與例稍有未符第人地實在相需且係欽奉

特旨應陞之員謹遵例專摺奏請合無仰懇

聖恩俯准以金洙陞署易州直隸州知州於要缺實有裨
益謹

奏奉

硃批吏部議奏

嘉慶十九年五月初七日

奏爲副將員缺奏懇

聖恩俯准揀補以重營伍事竊照直隸河間協副將張國

楹因病告休經

臣

另疏

題報所遺員缺例應歸部推補但查奉

旨簡發人員遇有部推缺出人地相宜亦例得請補茲查

有候補副將克什德由健銳營前鋒出師石峰堡
打仗出力得頭等功牌洊陞護軍叅領嘉慶十八
年九月經

欽派大臣揀選由兵部帶領引

見奉

旨著發往直隸以副將差遣委用十八年十月二十五日
至河南軍營在濬縣道口滑縣等處節次打仗出
力該員年力正壯弓馬可觀先經委署河間協副
將數月以來於操防催趲各事宜頗能認真整飭
經理洵屬人地相宜理合循例奏懇

天恩俯准以候補副將克什德補授河間協副將實於營伍漕務均有裨益謹會同直隸提督臣徐錕合詞具奏謹

奏

嘉慶十九年五月初九日奉

上諭那彥成奏揀補副將一摺著照所請克什德准其補授直隸河間協副將該部知道

嘉慶十九年五月初十日

奏爲首道員缺繁要揀選奏懇

聖恩俯准陞署以裨治理事竊照清河道魯銓病故遺缺

現經 臣恭疏

題報所遺員缺例應在外題補該道駐劄省城管轄兩
府五直隸州兼有河防之責事繁任重非勤幹有
爲之員弗克勝任 臣與藩臬兩司於通省道府內
詳加遴選查有永平府知府韓文綺年四十八歲
才具幹練老成居心誠謹以之補授清河道實堪
勝任惟歷俸未滿五年與陞補之例稍有未符而
通查現任各知府均無合例之員今謹虛公慎選
遵人地相需之例專摺奏請合無仰懇

皇上天恩俯准以永平府知府韓文綺陞署清河道實於

要缺有裨謹

奏

嘉慶十九年五月十二日奉

上諭那彥成奏首道員缺緊要循例揀選一摺韓文綺准其陞署清河道該部知道

嘉慶十九年五月二十二日

奏爲欽奉

上諭恭摺覆奏事竊臣承准軍機大臣字寄欽奉

上諭本日那彥成奏揀員陞署道缺一摺已照所請准其以韓文綺陞署清河道矣其所遺永平府知府本係請

旨之缺據稱該省現有應補人員另行開單請簡昨有發往直隸之前任陞署通永道祝慶承曾任永平府知府如該員於此缺合例堪補卽將祝慶承奏請補授倘與例未符另行揀員請補可也欽此伏惟

皇上日理萬幾

宵旰憂勤乃於大小臣工

召見數旬之後猶能記及仰見

聖明天縱

留意人材內外諸臣無不同深感激欽佩之至惟查祝慶

承前由永平府知府陞署通永道業經引

見欽奉

諭旨准其陞署已屬實任道員今若補授永平府係屬降
補該員才具精詳辦事勤敏察其前在永平府任
內十年官聲甚好祝慶承應請遇有相當道員缺
出再行奏補現經臣委令該員馳赴故城一帶催
趙漕船回省尙需時日所有永平府員缺緊要謹
將直隸候補道府開單恭呈

御覽伏祈

皇上簡放一員以便卽令接印任事謹

奏

嘉慶十九年五月二十四日奉

上諭那彥成奏永平府知府員缺開單請簡一摺永平府知府著景慶調補所遺河間府知府員缺著張翔補授該部知道

嘉慶十九年五月二十九日

奏爲辦理賑務編查保甲等事宜認真出力各員奏懇聖恩事竊照大名府屬開州東明長垣三州縣地方上年被賊滋擾仰蒙

聖主派兵勦捕迅速肅清所有隨營差委出力文職各員業經托津並臣先後保奏均已仰邀

允渥沐

恩施凡在

臣

工無不同深感激惟該州縣等軍務告竣之

後應須散放

恩賞口糧經理粥廠編查保甲及支放留防官兵餉糈在
在需員差委前據大名道屠之申大名府劉寶第
稟請將前在軍營投効並派在糧臺當差各員投
効知縣蔚音芳等十餘員酌留在彼幫同地方官
辦理經臣批准在案茲查數月以來該員等辦理
散賑煮粥及查辦保甲等事均極認真出力始終
不懈現已次第竣事據該道府核定各員勞績開

單稟請核辦前來查該員蔚音芳等委辦事件均
能實心經理毫無貽悞洵屬奮勉可嘉理合開具
清單恭呈

御覽合無仰懇

聖慈分別

施恩以示鼓勵謹

奏

嘉慶十九年六月初二日奉

上諭那彥成奏辦理賑務編查保甲出力各員懇恩分別
鼓勵一摺上年直隸開州東明長垣三州縣被賊滋擾

居民失業經那彥成派員經理粥廠編查保甲及支放防兵餉糈等事茲據該督查明該員等數月以來均極認真出力加恩著照所請候選知縣蔚音芳試用知縣陳珪開復知縣陳池養石梁俱准其留於直隸照例補用其蔚音芳一員仍令捐足分發銀兩在直隸藩庫交納遇便解部候補知縣呂國珍准其儘先補用候補從九品張欽祖未入流杜占春俱准其以應陞之缺陞用至大名府同知謝賜翰等九員該督既稱其辦事奮勉現在逆犯未獲者尙多著卽將該員等分派各路躡緝如能將祝現等要犯訪獲必施恩立予超擢卽緝獲次

要之犯亦可量與甄敘其此次請給議敘之處著毋庸議

嘉慶十九年六月二十四日

奏爲知縣丁憂遺缺遴員奏懇

聖恩俯准署理以示鼓勵事竊查博野縣知縣韓奕均丁憂出缺業經另疏

題報在案伏查例載各省知縣所出選缺內丁憂叅劾二項遺缺除辦理軍務出力欽奉

特旨儘先補用人員准該督撫扣留題補外其餘概不准扣留等語又嘉慶十八年十一月內欽奉

上諭御史陳用光奏察吏之方宜責成大吏苟其有私雖循例保舉未嘗不可市恩苟其無私雖破格超擢不必疑其逾例等語國家牧民之官首重州縣州縣得人何利不興何害不除嗣後各直省州縣要缺該督撫遴選賢能之員專摺保奏除該員現有私罪處分仍奏明飭駁外其任內一切因公處分均可毋庸核計以收推賢舉能實效欽此仰見

皇上獎勵人才之至意今博野縣雖係專疲簡缺應歸部選第該縣經管堤工催徵匪易近年民情不盡淳良治理頗爲不易恐部選初任人員未能得力臣

與藩臬兩司公同商酌查有捐復原官之大挑試用知縣畢裕曾才具開展年力正壯以之署理博野縣事疲簡缺實堪勝任惟係捐復試用之員並非軍功先補卽補亦例不准補丁憂之缺第究係軍營出力與尋常試用捐復人員有間合無仰懇聖恩俯准以畢裕曾署理博野縣知縣如蒙俞允給咨送部引

見仍照例試看期滿如果稱職另請實授謹

奏奉

硃批吏部議奏

嘉慶十九年六月二十四日

奏查永定河南北兩岸工段綿長險工林立每遇伏秋

盛漲拍岸盈堤搶護巡防在在需員經理本年入

伏之初卽經臣派委地方候補人員交永定河道

李逢亨差遣委用茲據該道稟稱永定河連次漲

水埽段堤工間有墊陷刷塌之處均經晝夜趕緊

加鑲下埽立時搶護穩固查有地方候補通判朱

綸光章慶洪軍功儘先補用縣丞包駿候補縣丞

陳嘉謨四員幫同搶護最爲出力懇請留於河工

學習等情前來臣查本年永定河入伏之後節次

漲水埽段堤工間有墊陷仰賴

聖主洪福立時搶護平穩得保安瀾實深慶幸所有隨同
幫搶出力之地方候補通判朱綸光章慶淇縣丞
包駿陳嘉謨四員既肯學習出力且該道亦稱實
屬奮勉合無仰懇

聖恩卽以對品改撥河工以資差委伏候

睿裁謹

奏

嘉慶十九年六月二十六日奉

上諭那彥成奏地方候補通判朱綸光等四員派在永定

河防汎搶護出力懇請改撥河工等語著照所請候補
通判宋綸光章慶淇縣丞包駿陳嘉謨俱准其以對品
改撥河工委用

嘉慶十九年九月初一日

奏爲道府員缺緊要揀選奏懇

聖恩俯准陞補以裨治理事竊查通永道李鑾宣蒙

恩補授直隸按察使所遺員缺係衝繁疲難四項相兼在

外題補要缺該道管轄通州等處及永平遵化二

府州兼管北運薊運等河經理修防並催趲漕運

等務責重事繁非幹練之員弗克勝任臣於通省

道員知府中詳加遴選查有保定府知府盛泰精
明幹練心地質樸可信實堪勝通永道要缺之任
惟歷俸未滿五年與陞補之例稍有未符但人地
實在相需且經奉

旨賞加道銜卽係應陞之員合無仰懇

聖恩俯准以保定府知府盛泰陞署通永道實於

畿輔地方並河工漕務可期得力所遺保定府員缺係
附省首郡四項相兼最要之缺政務殷繁常有發
審案件歷次出缺均奉

特旨揀員調補臣於通省知府中遴選皆非合例堪調之

員查現在省垣藩臬兩司並清河道均係漢員似
應補一旗員首府以符體制現在之承德府知府
嵩齡永平府知府景慶順德府知府岱齡雖均係
旗員第承德府亦係要缺景慶岱齡係屬初任均
未便調補惟查有揀發候補知府阿霖由繙繹生
員考取中書揀發雲南補授順寧府通判推陞湖
北興國州知州因帶兵勦捕教匪出力奉
旨賞戴花翎游陞鄖陽府知府調補武昌府知府緣事革
職捐復原官十八年十月揀選引

見奉

旨發往直隸差遣委用該員才具老成精細幹練歷署順
德河間府印務辦理裕如該員曾任湖北首府合
無仰懇

天恩俯准以阿霖補授保定府知府於省會要缺洵有裨
益謹

奏

嘉慶十九年九月初三日奉

上諭那彥成奏道府員缺緊要揀選陞補一摺盛泰著准
其陞署通永道所遺保定府知府員缺卽著阿霖補授
該部知道

嘉慶十九年九月十一日

奏爲請留熟悉營伍之推陞遊擊以資整飭並因攜帶
幼孩部議降調之都司奏懇

聖恩俯准捐復原官留直差委事竊

臣

接准兵部咨直隸

大名協杜勝營都司陳夢熊推陞江西撫標右營
遊擊繕給劄付限票行令轉飭赴任等因
臣查陳
夢熊正白旗包衣漢軍由粘竿處拜唐阿歷陞三
等侍衛嘉慶十四年蒙

恩補放直隸獨石口協赤城營都司十七年調補大名協
杜勝營都司駐劄大名府屬東明縣地方迄今兩

年於該處情形極爲熟悉上年豫東匪徒滋事擾
及東明該員督率兵勇剿堵甚爲出力已蒙

聖恩賞戴藍翎迨軍務告竣查拏土匪緝捕餘匪尤能不
辭勞瘁現在該處添募新兵巡防操演均關緊要
似非熟諳之員不可勝任合無仰懇

天恩俯准將陳夢熊以陞銜暫留本任俾資整飭仍俟直
隸遇有遊擊缺出再行奏請補用又泰寧鎮標馬
水口都司馬起龍雲南昆明縣人由行伍出師黔
楚等省遞陞把總奉

旨賞戴藍翎洊陞今職上年派赴滑縣剿賊出力蒙

恩賞換花翎因該員於凱撤時攜帶男孩四名將兩名交與伊弟馬起祥帶回原籍經泰寧鎮總兵成書查明參奏部議降三級調用本應飭令回籍候補但念該員年壯力強平日操防勤慎實屬直省得力之員核其降調處分係因不諳法律所致今據該員呈請捐復前來合並仰懇

聖恩俯准馬起龍捐復原官留於直隸差遣補用如蒙俞允應繳捐項飭令在於直隸藩庫就近完繳遇便解部
謹

奏奉

硃批依議准留准捐復該部知道

嘉慶十九年十月十四日

奏爲恭懇

聖恩事竊查山東候補縣丞捐陞通判陳建前在軍營出

力經臣奏蒙

恩准留於直隸儘先補用嗣接吏部咨該員寄籍直隸祖

籍浙江於嘉慶十六年改歸祖籍尙在定例三十

年以內行令迴避

臣

因查該員現在委令查核報

銷其從前寄籍直隸實係浮居並無田產墳墓奏

請仍留直隸補用欽奉

上諭陳建准其暫留直隸承辦報銷俟事竣後赴部迴避
欽此臣自應欽遵何敢再事竇奏惟查定例寄籍
人員改歸祖籍三十年後原准在寄籍出任今該
員前此寄籍直隸實因遊幕浮居並無墳墓田廬
亦非在直生長既據改歸祖籍留直服官似無妨
礙該員自去歲軍營隨溫承惠前往嗣又隨臣辦
事人頗端正深悉刑名洵爲直隸得力之人查直
省缺苦差繁久邀

聖明洞鑒臣爲直隸得人起見亦不能盡泯其私情不揣
冒昧謹再專摺奏懇

聖恩俯准免其迴避仍留直隸差委遇有地方河工通判
缺出酌量補用俾臣得收指臂之助仍俟該員得
缺後送部引

見又開復知縣吳寶裕浙江進士前在元城縣任內緣事
革職十六年五臺差次恭迎

聖駕欽奉

恩旨賞給縣丞銜上年投効軍營審辦搜獲零匪多名究
出傳教大頭目經大學士托津保奏奉

旨開復原官該員在直多年於地方差務情形極爲熟悉
合無仰懇

天恩留直差委俟有相當缺出奏請補用謹
奏

嘉慶十九年十月十五日奉

上諭據那彥成奏請留直差委人員一摺捐陞通判陳建
著照所請免其迴避寄籍仍留直隸遇有地方河工缺
出酌量補用開復知縣吳寶裕亦著留直差委俟出有
相當之缺奏請補用該部知道

嘉慶十九年十一月初五日

奏查提標叅將伊昌阿將提督發交收管革職都司哲
克東額派撥額外外委張鐸目兵趙忠劉德在店

看守不期哲克東額乘間自刎身死該營本無監獄外委亦非獄卒哲克東額又未帶有刑具較失防獄囚自盡之案情節爲輕查獄囚失於檢點防範致囚自盡獄卒杖六十司獄官典史笞五十提牢官笞四十今伊昌阿派委不愼致哲克東額自戕殞命將看守之弁兵照司獄官典史及獄卒之律分別科以笞杖該員伊昌阿應照提牢官律擬笞四十係公罪例止罰俸六箇月提督徐錕請奏將該員嚴加議處似屬過重嗣兵部因原系係嚴加議處是以議以降二級調用惟查該員伊昌阿

由藍翎長派赴湖北出師節次打仗出力經額爾
登保奏陞直隸霸州營遊擊蒙

恩賞戴花翎陞直隸提標中軍叅將該員弓馬漢仗均
極去得且在直年久熟悉營伍上年派赴開州等
處剿辦賊匪頗著勞績洵爲可用之材惟有仰懇
聖主逾格

鴻慈俯念該員伊昌阿因公過誤提督原叅過重仍請照
例給予議處發直隸差遣以原官補用降調之案
帶於新任可否之處出自

皇上

天恩謹

奏

嘉慶十九年十一月初七日奉

上諭那彥成奏參將伊昌阿因派委不慎致哲克東額自戕殞命提督徐錕原奏過重請仍照例給予議處以原官補用等語伊昌阿曾在軍營出力其派委不慎係屬公過加恩著以原官發往直隸差遣委用前部議降二級調用之處改爲降二級留任帶於新任

嘉慶十九年十二月十四日

奏爲查明急公勉力捐辦協濟兵差車輛之各縣令奏

懇

聖恩俯加鼓勵以昭激勸事竊照上年三省軍需京營吉
林索倫各路官兵經由各州縣應用車輛因兵行
迅速車數較多急切未能僱備經總局司道飭令
偏僻州縣代爲僱覓趕赴派定站所供應協濟始
克無悞事竣之後各州縣應需車價例應彙入大
道州縣按站報銷內有固安縣知縣何貞於奉文
派調之初卽首倡捐辦又有文安縣知縣陳彥保
定縣知縣楊維謐昌黎縣知縣湯承恩廣平縣知
縣鄭長年本年報銷之時亦請捐廉辦理又據威

縣知縣陳念祖具稟該縣派調協濟車輛係前任
已故知縣于學宗捐辦亦請毋庸報銷經臣批令
總局司道俟報銷完竣時彙核詳請奏請

恩施茲據該司道查明軍需報銷業已核竣將何貞等詳
請獎勵並將查出違例開銷之唐縣知縣李涵詳
揭請叅前來除昌黎縣知縣湯承恩現已卓薦已
足示之鼓勵廣平縣知縣鄭長年因才力不及已
於

大計案內劾叅前任威縣知縣于學宗業已物故唐縣
知縣李涵另揭叅奏均毋庸置議外內惟固安縣

知縣何貞首先捐僱協濟兵車已堪嘉尚且該員
上年緝拏匪犯頗爲出力平日居官聲名亦好民
事甚屬認真實爲出色之員臣前次在京與劉鏜
之議及亦稱該員誠實可靠因核與卓薦年例未
符是以未經列入查此次軍需用項將及百萬總
核結案功過必須嚴明方足以示懲勸今劣員李
涵旣已叅處則素有實蹟賢員亦不可墜於

上聞合無仰懇

皇上天恩俯准將固安縣知縣何貞

賞加知州職銜至文安縣知縣陳彥保定縣知縣楊維謐

捐僱兵車並不請銷銀兩亦屬急公合無仰懇

聖恩各賞給軍功加二級其餘兵行經由各州縣均能辦理無悞照例請

旨賞給軍功加一級內中如有舞弊者一經查出再行嚴
參具奏至辦理軍需局各員總司出入核計賬目
夙夜在公亦不無微勞可錄容俟臣督同司道秉
公查明具奏謹

奏

嘉慶十九年十二月十六日奉

上諭那彥成奏捐辦協濟兵差車輛之知縣懇加鼓勵一

摺上年官兵經由各州縣應用車輛較多該縣令等捐廉僱覓供應協濟尙屬急公固安縣知縣何貞首先捐辦著加恩賞加知州銜該員前經拏獲逆賊多名仍責令認真緝捕文安縣知縣陳彥保定縣知縣楊維謐著加恩各賞給軍功加二級其餘兵行經由各州縣辦理無悞者著各賞給軍功加一級該部知道

嘉慶十九年十二月二十一日

奏爲軍需報銷辦理完竣查明實在始終出力各員奏懇

聖恩以示鼓勵事竊查直隸軍需用項爲數幾及百萬頭

緒紛繁款項不一辦理報銷之員必須破除情面
一秉至公方能實用實銷不致稍有冒濫節經臣
諄飭局員認真稽核茲直隸軍需報銷業已全案
核竣由司道具詳臣覆核奏蒙

聖鑒所有辦理報銷各員自二月設局至今或總司賬目
或分任鉤稽均能條款肅清始終不懈至局中各
書吏承辦文移檔案繕寫冊籍亦能黽勉急公似
應核其勞績奏懇

恩施臣與總局司道秉公確核分別等差繕具清單敬呈
御覽可否

俯允臣所請出自

聖主逾格鴻慈謹

奏

謹將辦理軍需報銷實在始終出力各員及急公
勉力之書吏開列清單恭呈

御覽

順德府同知姚嗣懋該員人本明白居心端正此
次辦理報銷總司賬目頗能秉公洵屬認真出力
請

旨賞加知府銜

卽陞同知縣知縣俞英世該員鈎稽賬目核減
浮濫頗能實力細心請

旨以同知卽補

候補道府葉紹本該員先在大名一帶督查保甲
甚爲詳細迨派入軍需局催辦報銷亦極認真
候補河工通判孫寧衷候補未入流黃麟書核算
賬目攢造冊籍均極出力

以上三員請

旨儘先補用

鹽山縣巡檢宋邦選隨同姚嗣懋等核算賬目攢

造冊籍甚爲出力請

旨以應陞之缺陞用

原任博野縣知縣韓奕均原任望都縣知縣白明義該員等核算報銷款目不辭勞瘁可否仰懇

聖恩俟該二員服闋後仍留直隸以原官補用投効不論雙單月候選從九品何兆蘭該員隨同姚嗣懋等查核報銷款目晝夜辛勤甚爲奮勉可否仰懇

聖恩准其捐足分發留於直隸補用所捐銀兩卽在直隸藩庫就近完繳解部書吏吳江朱堂朱步雲沈汝梅李裯辦理文案繕寫冊籍臣督催嚴緊晝夜趕

繕此五人極爲奮勉查吳江遵川楚例捐不論雙單月從九品復道工賑衡工事例加捐過班懇

恩交部遇缺卽選朱堂朱步雲沈汝梅李裊懇

恩賞給從九品職銜

嘉慶十九年十二月二十一日

奏

臣

上年在滑縣軍營所有溫承惠帶去直隸總督衙

門候選吏員沈隆隨營辦理一切文移稿案晝夜

辛勤不辭勞瘁事竣之後經

臣

將沈隆咨部議敘

嗣准吏部咨因

臣

未經奏明不便照咨給予議敘

等因查沈隆係考取從九品選用吏員前在軍營

辦事實爲出力相應奏明請

旨給予議敘以示鼓勵謹

奏

嘉慶十九年十二月二十三日奉

上諭那彥成奏軍需報銷辦理完竣查明出力各員開單
懇請鼓勵一摺本年直隸辦理軍需報銷該官吏等
勉急公加恩著照所請將順德府同知姚嗣懋賞加知
府銜蠡縣知縣俞英世以同知卽補候補道府葉紹本
候補河工通判孫寧衷候補未入流黃麟書俱儘先補
用鹽山縣巡檢宋邦暹以應陞之缺陞用原任博野縣

知縣韓奕均原任望都縣知縣白明義俱俟服闋後仍留直隸以原官補用投効從九品何兆蘭准其在直隸藩庫捐足分發留於直隸補用從九品吳江交部遇缺卽選書吏朱堂朱步雲沈汝梅李裊俱賞給從九品職銜其另片奏前在滑縣軍營辦事之考取從九品候選吏員沈隆並著給予議敘該部知道摺單併發

嘉慶二十年正月十四日

奏爲揀員請補遊擊以資整飭事竊照直隸督標後營遊擊圖勒畢善叅革遺缺接准兵部咨行令於應陞應補人員內揀員題補臣遵卽逐一揀選查有

正定鎮標大名協屬杜勝營都司陳夢熊由粘竿處拜唐阿歷陞都司經前督臣溫承惠卓薦引

見奉

旨著回原任候陞遊擊欽此嗣因豫東教匪滋事擾及東明長垣該員督率兵勇打仗勇往出力經臣奏蒙

恩旨賞戴藍翎十九年經兵部推陞江西撫標右營遊擊

臣因大名協屬添募新兵巡防操演均關緊要非

熟練之員不克勝任奏請將陳夢熊以陞銜暫留本任俾資整飭俟直隸遇有遊擊缺出再行奏請

補用奉

旨允准該員漢仗好在省情形熟悉本係推陞遊擊以之
補授督標後營遊擊實屬與例相符至杜勝營地
方甫經平定仍令該員在彼暫署該處都司事務
俟題補得人再行飭令到營任事謹

奏奉

硃批准其補授兵部知道

嘉慶二十年二月初一日

奏爲知縣人地未宜揀員奏懇

聖恩俯准對調以資治理事竊查深州所屬饒陽縣向定
疲難中缺近年以來民俗刁健訟獄繁興兼之糧

多積欠較前日見難治必須精明幹練之員方足以資整飭現任知縣王子音年力尚健辦事謹愼在任六年尙無廢弛劣蹟惟才具未能幹練近日辦理公事稍形竭蹙歷於饒陽縣地方現在情形不甚相宜與其日後貽悞不若另行揀員調補臣與藩臬兩司公同遴選查有趙州屬隆平縣知縣陳晉例案熟悉才具精勤以之調補饒陽縣知縣堪以勝任其所遺隆平縣無字簡缺幅幘僻小政務亦簡如以王子音調補可期辦理無悞惟查陳晉因丁憂起復遲延有部議降一級調用奉

旨改爲降二級留任處分且以簡缺請調疲難中缺王子音亦有承緝盜案降級留任處分與例均有未符

臣爲饒陽地方難治必需得人起見謹遵例專摺奏請合無仰懇

聖恩俯准以降平縣知縣陳晉調補饒陽縣知縣所有該員呈報丁憂起復遲延部議降級處分仍請帶於新任俟扣滿年限另請開復所遺降平縣簡缺卽以王子音調補如此一轉移間於饒陽難治之區既可收得人之效而隆平偏僻小邑王子音亦得勉供厥職實屬兩有裨益謹

奏奉

硃批吏部議奏

嘉慶二十年二月初七日

奏爲委署道篆並將候補人員開單請

旨簡放以重地方事竊照通永道盛泰蒙

恩補授直隸按察使所遺員缺係衝繁疲難四項相兼要

缺兼有管理北運薊運等河現值春融冰泮之際

有督辦歲修工程及預籌南漕抵壩交兌事宜且

轉瞬恭逢

聖駕展謁

東陵臨幸盤山經由薊州三河通州一帶地方均係該道
管轄緝捕彈壓尤爲緊要必須委員接署查有候
補道祝慶承曾任通永道於該處情形最爲熟悉
堪以委令署理至此缺例應在外

題補茲將直隸候補道三員並奉

旨揀發以道府差遣委用之葉紹本一員開具清單敬呈
御覽恭懇

聖恩俯賜簡放一員以重地方謹

奏

嘉慶二十年二月初九日奉

彥成奏開單請揀道員一摺直隸通永道員缺卽
著祝慶承實授

嘉慶二十年二月二十八日

奏爲仰懇

聖恩事竊

臣接准兵部咨開直隸提標前營遊擊滿德坤

推補湖南臨武營叅將行令

臣出具考語送部引

見等因自應遵照辦理第查直隸營伍現當整飭之際首

在出色將領大員督飭教演方可期有起色滿德

坤由武進士二等侍衛補授直隸提標前營遊擊

嘉慶十一年四月十九日到任經前任督臣溫承

惠兩次卓異嘉慶十八年九月間派赴開州一帶
勦捕賊匪奮勇出力經

欽差協辦大學士托津保奏蒙

恩賞戴花翎該員漢仗好技藝嫻熟且在直年久於地方
營伍情形均極熟諳實爲出色之員伏查直隸武
職各缺向因部推居多年陳資深而其人已老往
往難收得人之效現在臣與提督各鎮將衰軟之
員均斥革勒休從嚴甄別今滿德坤一員可否仰
懇

皇上天恩俯准仍留直隸補用以裨戎政如蒙

俞允直隸現出有務關路叅將一缺係例應在外揀選題補之缺請卽以滿德坤補授仍給咨送部引

見其湖南臨武營叅將員缺請照例仍歸部推臣與徐鋌面商意見相同不揣冒昧奏懇

皇上天恩謹

奏

嘉慶二十年二月三十日奉

上諭那彥成奏請將部推叅將留直補用一摺著照所請滿德坤准其補授直隸務關路叅將其原推湖南臨武營叅將員缺著該部另行推補

嘉慶二十年五月十七日

奏爲恭摺奏

聞事竊候補道李于培欽奉

上諭補授永定河道

臣

現飭該員前往接印任事惟查李

于培平日辦事細心結實可靠而於河工機宜尙

少歷練今永定河工險隄長溜勢趨向靡常轉瞬

伏汎屆期巡防搶護最關緊要李于培係初任河

道恐各汎員因其工務不熟或有偷減草率致滋

貽悞據該員亦自知不諳河工實深兢惕

臣

亦以

該道係屬生手正當汎期緊要之際一人照料難

周亦不放心再四籌酌擬添委員協防以昭嚴密
查有河間府河捕同知王履泰在直年久熟悉情
形又有地方候補同知管文愷曾在南河投効尙
曉工程均堪委令協防臣現卽分飭王履泰等馳
赴永定河將應防大汛事宜隨同李于培妥協預
備分段嚴查協同南北兩岸廳汛各員實力防護
務慶安瀾俟伏汛過後再令各回本任謹

奏

嘉慶二十年五月二十五日

奏爲恭摺覆奏事竊

臣

承准軍機大臣字寄欽奉

上諭那彥成奏新任永定河道李于培未諳河工機宜請
派委員協防一摺李于培係由刑部司員出身諳悉刑
名於河工本未歷練朕所素知因其在直候補一時未
能得缺適有永定河道缺出將伊簡放今那彥成既稱
該道係屬生手現屆汛期巡防搶護不能放心著該督
於通省道員內遴選知曉河工可冀修防得力者一員
卽行奏明與李于培對調欽此仰見

皇上體卹臣工無微不至臣跪誦之下實深欽佩遵查直

隸道員除永定河道之外尙有七缺臣與兩司逐

一遴選並無河工出身熟悉修防堪以對調之員

若奏懇

聖主在於河南山東等省

簡員調補或尙可得其人但六月初六日卽交大汎爲期
太近查該道李于培平日辦事結實細心原可望
其學習今前往永定河任事業經臣飭令務與李
逢亨交代時將何處緊要現在情形細心問明勤
歷周查加謹防守所有防汛事宜亦有在工各員
專司責成又經派委同知王履泰管文愷前往協
防事可無悞臣又專劄各工文武各人員均有考
成如因該道係生手有偷減致悞要工之人務卽

加倍治罪至大汎期內臣本應前往察看水勢茲擬早去數日督同該道等加意防護俟該道經歷今年大汎之後該處河道情形及修防事宜自可熟悉諳練毋庸另行更調永定河道一缺現在無員可調應請仍以李于培補授謹

奏奉

硃批知道了

嘉慶二十年六月十八日

奏爲因公被議縣令奏懇

聖恩

俯准捐復原官留直差委事竊照原任直隸武清縣知縣
孫成褒浙江監生捐職主簿投効東河承辦緯道
工竣赴部分發鐵掣直隸河工咨補武清縣主簿
洵陞武清縣知縣嘉慶十七年因縣民高六毒斃
韓貴興一案該革員審驗不明以致作作受賄殘
毀屍身復於門丁刑書通同舞弊得贓未能覺察
部議革職發往新疆嗣據縣民姚翰青等一百餘
人臚舉該革員事蹟公同具呈代爲贖罪經前任
順天府尹鄒炳泰等據情具奏欽奉

上諭孫成褒獲罪遣戍並無貪酷情弊其詳請覆檢亦尙

有慎重民命之心將來到戌三年期滿該管大臣奏請
朕核其案情亦必降旨釋回茲念其平日居官尙好著
加恩於到戌一年半卽予釋放回籍欽此欽遵在案該
革員於上年期滿釋回遊幕來直臣接見之下見
其人尙誠實明白又復細訪該革員當日居官果
好民情愛戴若令終身閒廢未免可惜今據該革
員呈請捐復由兩司具詳前來謹專摺奏懇

皇上天恩俯准孫宸褒捐復原官留於直隸差遣遇有相
當缺出酌量補用如蒙

俞允不特該革員益加感激奮勉卽臣辦理地方公事亦

可收得人之效所有捐復銀兩飭令就近措交直隸藩庫兌收遇便解部謹

奏

嘉慶二十年六月二十日奉

上諭那彥成奏因公被議縣令懇予捐復一摺孫宸褒著准其捐復原官留於直省差委遇有相當缺出酌量補用其捐復銀兩就近交納藩庫遇便解部

嘉慶二十年九月十四日

奏爲恭摺請

旨事竊永定河道李于培自本年五月間蒙

恩補授以來事事留心學習經手錢糧亦甚撙節此次
赴北七工督辦漫口察看該員辦理堵築事宜雖
認真勉力而從未經歷河工諸事總覺竭蹶並據
該員面稟蒙

皇上天恩

持授永定河道因不諳修防以致六七月間兩次漫口復
荷

鴻慈逾格

寬免處分感激悚惶難以名狀該員雖勉力學習而素未
經歷難以驟臻熟悉誠恐貽誤公事辜負

聖恩等語

臣

查李于培人甚端正辦事頗能實力實心茲

以不諳河工據實回稟係屬出於真誠並非意存規避查該員本係直隸候補道員可否仰懇

皇上天恩准令李于培仍回省城候補其永定河情形非東河南河可比該道總理全河並無河督專管一切修防疏濬皆賴該道主持責任綦重查東河候補道葉觀潮前任南河惟揚道曾隨臣辦理河務甚爲熟悉可否仰懇

聖恩以葉觀潮補授永定河道俾收得人之效

臣

爲河工

緊要起見業已面陳

聖鑒謹

奏

容安謹按此奏在

行在呈遞向不奉

硃批永定河道一缺旋奉

旨以葉觀潮補授

嘉慶二十年十月二十三日

奏據河間府知府彭應杰飭令獻縣知縣李汝廉等拏獲截劫官銀之盜犯王四等七名並起獲張驢子家當票一百餘張是張驢子等實爲積慣巨窩現

飭該府嚴緝務獲歸案究追查該府彭應杰經
奏請由廣平調補河間到任甫及半年先因在永
定河工次幫辦出力

臣奏奉

恩旨交部從優議敘該府由工次甫經回署卽能訪獲積
窩重案飭屬迅速拏獲尙屬能事除先經訪稟此
案之獻縣知縣李汝廉容於結案時照例奏請送
部引

見外仰懇

聖恩俯准將河間府知府彭應杰交部議敘以示鼓勵
現仍剗飭該府如果再能將逆案各要犯密速訪

獲必當奏請

逾格施恩臣爲勸勵緝捕起見謹

奏

嘉慶二十年十月二十五日奉

上諭河間府知府彭應杰訪獲積窩究出搶劫官銀盜匪
拏獲多名尙屬能事著賞加一級其先經訪稟之獻縣
知縣李汝廉著該督送部引見

嘉慶二十年九月二十五日

奏爲遵

旨保舉現任知府事臣於九月二十三日欽奉

上諭現在記名應用道缺人員將次用完著各督撫於所屬現任知府內每省密保堪勝道員者一二人迅速具奏候朕簡用毋庸送部引見欽此遵查直隸所屬十府

臣平日因公接見於其居心行政處處留心查驗

內惟保定府知府阿霖正紅旗滿洲由中書揀發雲南題補通判軍營出力歷陞湖北武昌府知府緣案革職捐復原官發往直隸候補於十九年奏補保定府知府該員才幹老成心地深穩足勝繁劇之任大名府知府劉寶第山西洪洞縣人由直隸州判歷陞大名府知府該員才具開展諸事認

眞差務地方均爲熟悉以上二員可勝道員之任
其餘各府知府容再查看謹

奏奉

硃批覽

嘉慶二十年十月二十五日

奏查灤州石佛口村及盧龍縣安家樓村王姓分住該
處世傳邪教歷年久遠均以清茶會卽清淨等名
目遠至江南湖北安徽山西等省四出傳教惑衆
斂錢雖屢經犯案懲辦而該族人迷溺旣深流傳
仍衆今將該犯拏獲正可由此澈底懲辦冀絕根

株所有臣派往查拏之保定府同知汪洞候補未
入流喻振恒會同該州縣詳細訪查王殿魁王三
樂等獲案研訊得以究出王書魯等輾轉傳教端
倪分別咨緝尙屬認真除保定府同知汪洞業於
永定河辦工出力案內奏奉

諭旨賞加知府銜外所有候補未入流喻振恒一員仰懇
聖慈俯准儘先補用以示鼓勵謹

奏

嘉慶二十年十月二十七日奉

上諭那彥成奏拏獲傳教匪徒委員懇恩鼓勵等語著照

所請候補未入流喻振恒准其儘先補用該部知道

嘉慶二十一年正月二十二日

奏_臣於嘉慶二十一年正月初八日承准軍機大臣字

寄正月初六日奉

上諭本日那彥成奏義倉勸捐各員摺內於捐穀五百餘石之饒陽縣已革捐職從九品索崑齡祇稱其曾經緣事發配援減釋回懇恩賞還原捐頂戴索崑齡原犯案由該督未經敘明其情節重輕朕何由知悉又係朦混具奏是誠何心必欲激朕之怒乎那彥成著傳旨申飭卽將索崑齡緣事原案查明開單覆奏朕核其情節重

輕再降諭旨欽此欽遵查索崑齡係饒陽縣民人原捐
從九品職銜嘉慶元年五月初十日早索崑齡因
赴地查看麥子失少憶及張秋何大頭劉二小均
在村求乞疑係伊等所竊當令工人索虎王大頭
將張秋何大頭喚至場內追問不認索崑齡卽將
張秋等自用藤鞭毆傷何大頭左右臂膊張秋脊
背張秋等堅不承認索崑齡復將劉二小喚至追
問因其不認又將劉二小拴住嚇唬欲毆劉二小
畏懼妄認竊麥捏稱賣與村人李見名索崑齡往
向李見名查詢原贓搜看無獲隨將李見名拉至

場內用藤鞭將李見名左右臂膊右肩甲毆傷地
方索柱隴踵至勸釋李見名控縣審詳將索崑齡
從九品職銜斥革依將良民誣指爲竊稱係寄賣
賊贓捉拏拷打例發邊遠充軍事犯到官雖在嘉
慶二年四月二十二日清刑

恩旨以前不准援減照例發配浙江嚴州府壽昌縣充軍
嗣索崑齡在配恭逢嘉慶十四年正月初一日

恩詔經配所造冊咨准部覆改爲杖一百徒三年就配充
徒復逢十六年閏三月二十二日

恩旨經部核與累減援免之例相符咨會浙江撫臣卽由

配所地方速行釋放索崑齡領文於十七年六月
同籍經饒陽縣飭屬領回安業各在案此次通省
勸捐義穀據饒陽縣稟報索崑齡案止喝毆並無
人命在配已逾十年罪名業經累減援免彙入紳
民樂輸摺內一體懇

恩賞給原捐從九品頂戴以昭獎勵惟未經敘明原犯案
由實屬含混欽奉

諭旨申飭臣不勝惶悚謹查明索崑齡緣事原案並累減
援免各緣由附摺覆奏可否將索崑齡

賞給原捐從九品頂戴之處伏乞

睿鑒訓示謹

奏

嘉慶二十一年正月二十四日奉

上諭那彥成查明直隸饒陽縣捐輸義穀之已革從九品
職銜索崑齡原犯案由覆奏請旨索崑齡以失少田麥
疑竊私拷平民斥革充軍累次援減釋回核其案情尙
無致斃人命之事索崑齡捐輸義穀在五百石以上著
照該督所請賞還從九品頂戴

嘉慶二十一年正月二十二日

奏爲據實陳明籲懇

光緒二十一年正月初六日奉

上諭那彥成覆奏查明伯克入直境後係委同知瑞麟通判福克金布接護頭起伯克自井陘至其鄉行走七日
二三四起伯克行走六日等語此次喀什噶爾等處伯克入直境後行走迅速該省驛站應付車馬尙無貽悞
惟派出之同知瑞麟等並未沿途隨同照料朕特派常福阿布都爾滿前往迎探途次傳喚該委員未經接見
詢之該伯克等亦稱沿途未見護送官員殊屬疎玩瑞
麟福克金布俱著交部議處那彥成不遵照舊例派委
道府大員僅派丞倅二人亦屬不合那彥成著交部議

處欽此欽遵將派出未經護送之直隸正定府同知瑞
賡易州理事通判福克金布均照例降一級調用
不遵舊例派委道府大員護送之直隸總督那彥
成照例降一級留任係奉

特旨交議之件俱毋庸查級議抵等因具奏奉

旨依議欽此知照前來臣查此次年班伯克入直境後驛
站尙無貽悞業經遵

旨覆奏仰蒙

聖鑒惟未經派委道府護送奉

旨將臣交部照例議處實屬咎所應得至委員同知瑞賡

通判福克金布一路接護照料情形臣覆奏摺內
尙未聲敘明晰不敢不據實再行縷陳緣護送年
班伯克及年班喇嘛均應照例在於旗員道府中
派委上年喇嘛包物業經劄派口北道克蒙額順
德府岱齡護送其伯克包物因旗員道府就近止
有霸昌道齡住宣化府珠隆阿保定府阿霖三員
而齡住因奉順天府尹劄委訪拏劉第五正在喫
緊宣化府又因口北道已有喇嘛差使保定府案
件紛繁更難分身是以臣酌派同知瑞賡通判福
克金布會同接護因該丞倅等雖非道府大員究

包物一齊押抵良鄉是日申刻先到之頭起伯克業經

欽使常福帶領進京而亥刻續到之二起伯克又經阿布都爾滿正在催帶趲行該通判福克金布在後點押包物是以於常福阿布都爾滿傳喚均未接見其護送三四起伯克之同知瑞賡據稱伊沿途與伯克見面內有阿克蘇伯克向伊告知伊父福昂在阿克蘇辦事囑其順帶口信令瑞賡好好當差等語臣又核據自井陘起至良鄉止沿途州縣營汛均各按日按起陸續稟報所稱行走催趲情形

均與瑞賡福克金布面稟相符臣伏思此次未派道府護送仰蒙

皇上天恩不加嚴譴僅予降留處分已

逾格鴻施該委員瑞賡福克金布究於

欽使傳喚之時均未接見經吏部遵

旨議以降一級調用毋庸查級議抵亦屬無可置喙唯查

瑞賡福克金布實因遵照臣割飭在後押送包物

毫無捏飾其沿途晝夜兼程催趲迅速尙與疎玩

並未接護者有問臣受

恩深重萬不敢爲屬員朦飾自蹈咎戾凡直省各項差務

需派旗員之處甚多瑞廢福克金布俱在直有年
學習尙爲熟嫻人亦去得若不據實陳明竟予降
調不特人才可惜且係遵奉臣飭令在後分起押
送包物以致因此獲咎不無稍有可原合無仰懇
聖主格外

成全俯念該委員等沿途護送尙非疎玩貽悞傳喚究出
有因可否將部議降一級調用之同知瑞廢理事
通判福克金布俱送部引

見應如何酌量

施恩之處出自

皇上鴻慈謹

奏

嘉慶二十一年正月二十四日奉

上諭那彥成奏護送伯克之降調同知等員懇恩送部引見一摺同知瑞廣理事通判福克金布此次護送伯克途間卽與阿克蘇伯克面晤其行走落後未與常福等相見係那彥成飭令在後催押包物均屬有因沿途趨行亦未有逾程限所有前此部議降一級調用之處加恩改爲降一級留任毋庸送部引見

嘉慶二十一年二月初二日

奏查最要次要各逆犯日久稽誅臣派出員弁四路設法上緊偵緝節次檄催如有弋獲必當顯懇

恩施此次拏獲次要逆犯劉玉潯卽劉遇潯一名係河間協右營守備劉英魁四黨口守備李士剛同購訪村民杜連城宋宗祥前往拜投劉玉潯學李誘醉擒獲查劉英魁由行伍歷任陝西西安右營遊擊因委護西安本標中軍副將失察兵丁借虧銀兩短缺馬匹被紮革職嗣因滑縣匪徒滋事投効省南軍營打仗出力

奏明留直以守備卽用旋補今職該備於本年八月內

拏獲次要逆犯葛立業一名經

臣

奏請解部此次訪獲劉玉隆該員出力最多李士剛由行伍洊陞四黨口營守備此次會同劉英魁妥協商辦合無仰懇

天恩俯准將河間右營守備劉英魁開復遊擊原官四黨口營守備李士剛以都司陞補均先換頂戴以示勸勵之處出自

聖主鴻慈宣津縣村民杜連城邀同宋宗祥往從劉玉隆爲徒學拳設法拏獲甚屬急公該民人等漢仗臂力均堪造就應請

旨賞給杜連城把總宋宗祥額外外委卽派令隨標學習
派委偵緝要犯寧津縣知縣傅德臨於該員等會
拏之時派役前往協緝請

旨交部議敘臣爲鼓勵緝捕起見謹

奏

嘉慶二十一年二月十三日奉

上諭昨據那彥成奏拏獲次要逆犯劉玉隴解京審訊茲
據刑部審明劉玉隴實係飭緝正犯那彥成督緝認真
所有伊任內奏事時不將緝捕情形聲敘降三級留任
遲孫氏控案並未親提審訊又不附奏緝匪情形併案

降三級留任回子伯克過境未派道府大員護送降二級留任三案處分俱著加恩開復其訪明劉玉隴蹤跡設法擒拏之河間協右營守備劉英魁著開復遊擊原官四黨口守備李士剛著以都司陞補均先換頂戴協同獲犯之宣津縣知縣傅德臨著交部議敘民人杜連城邀同宋宗祥拜投劉玉隴爲師學習拳棒誘醉擒獲杜連城著賞給把總並加賞藍翎宋宗祥著賞給額外委均令隨標學習以示獎勵該部知道

嘉慶二十一年二月十四日

奏爲知州要缺需員揀選奏懇

聖恩俯准陞署以裨治理事竊查開州知州朱煒丁憂所
遺開州一缺賦重事繁甲於一郡兼之壤接東豫
盜賊易於出沒巡緝稽查尤爲緊要非明幹之員
不足以資治理向定爲繁疲難三項要缺例應在
外調補臣與兩司於現任州縣內逐加遴選查有
饒陽縣知縣陳晉精明強幹辦理教案最熟以之
陞署開州知州實堪勝要缺之任惟該員歷俸未
滿五年又有降級留任處分與請陞之例未符但
人地實在相需謹遵例專摺奏請合無仰懇

皇上

天恩俯准以陳晉陞署開州知州不特該員益加奮勉而
於地方要缺實有裨益謹

奏奉

硃批吏部議奏

嘉慶二十一年二月十四日

奏查靜海縣四黨營口守備李士剛因拏獲次要逆犯

劉玉澐經

臣

奏請以都司陞補先換頂戴仰蒙

恩准在案茲查李士剛於署舊州營都司任內有失察逆

匪林清之案部議降二級調用處分例應降補把

總臣前此奏請陞補都司因赴差查道不及檢核

案卷致有錯誤相應據實奏明請

旨將李士剛降二級調用處分開復仍以守備補用

臣前

請以都司陞補先換頂戴之處實屬舛錯仰懇

聖恩將

臣

交部察議謹

奏

嘉慶二十一年四月初五日奉

上諭那彥成奏前因靜海縣四黨營口守備李士剛拏獲
次要逆犯劉玉澥奏請以都司陞補先換頂戴茲查明
該弁任內有降二級調用處分前奏實屬舛錯據實奏
明並自請交部察議等語李士剛本係降二級調用之

員茲拏獲要犯著加恩開復降二級調用處分仍以守
備補用其准陞都司先換頂戴之處著卽註銷那彥成
因差次未及詳查其自請察議著加恩寬免該部知道
嘉慶二十年四月初三日

奏臣接閱邸抄奉

上諭陳預奏運使患病懇請解任一摺運司劉清著准其
開缺調理俟病痊之日另候簡用欽此伏查劉清前在
山東曹單一帶勦辦教匪各處邪徒畏懼良民愛
戴久在

聖明洞鑒之中惟該員賦性勇往長於武畧憚於文事

前於經過山東時與該員接見該員曾向稟稱平
素核辦文書稿案每多厭倦談及騎射技藝馳驟
搜捕等事輒卽眉飛色舞神氣百倍仰蒙

擢賞藩司頂戴無可報効情願改用總兵武職等語臣察
其詞意極爲樸直曾經奏蒙

聖鑒茲荷

天恩准令該員開缺調理另候

簡用

聖主權衡精當臣何敢冒昧干預隣省之事惟該員一經
離任所有山東兗沂曹等處地方民氣剽悍恐無

以資彈壓查該員平日辦理稿件看至兩案卽已
頭昏是其辦理鹺務及一切公事未必事事得宜
鹽臣撫臣不能不據理駁斥故意見每多柄鑿是

該員之懇請解任或未必不由於此臣屢蒙

訓諭多寄耳目遇有緊要事件准令具陳今劉清之告病
頗有於地方關係且其年力尙未衰頽人才亦覺
可惜臣不敢避越職之嫌致同膜視合無仰懇

聖恩俯准將劉清改補總兵武職

簡在直隸或山東補用在該員感激

格外鴻慈自益力圖報効臣等藉得收彈壓地方之功

於

聖主因材器使立賢無方之道均有裨益謹

奏

容安謹按劉公清旋蒙

擢授曹州鎮總兵

嘉慶二十一年四月二十日

奏爲試用知縣辦事實心恭摺奏懇

聖恩俯准拔補以示鼓勵事竊查饒陽縣知縣陳晉經

奏陞開州知州欽奉

俞允所遺饒陽縣選缺例應揀員請補查該縣地方卽係

逆犯劉玉隴本籍民俗刁悍良莠不齊治理頗爲
不易必須強幹之員方堪勝任臣與藩臬兩司公
同遴選查有試用知縣汪本前經委署樂城縣知
縣地當孔道差務殷繁該員在任幾及一年辦理
裕如經手倉庫錢糧並無絲毫虧短上年又委署
遷安縣知縣勸捐義穀五百餘石經臣奏請議敘
欽奉

上諭該督自行存記於計典保舉章疏內將勸捐義穀一
事一併敘入政績尙屬可行此時毋庸給予議敘欽此
欽遵在案該員知重民事才具老成以之補授饒

陽縣知縣實堪勝任惟饒陽縣一缺按班應用大
挑舉班人員今以捐班試用知縣越次請補與例
未符第人地實在相宜且該員平日辦事實心似
應示以鼓勵合無仰懇

皇上格外天恩俯准以汪本拔補饒陽縣知縣不特該員
感激

聖恩益加奮勉而於地方公事實有裨益謹

奏奉

硃批吏部議奏

嘉慶二十一年五月十七日

奏爲試用知縣厯署縣篆才守兼優再行恭懇

聖恩俯准拔補以示鼓勵事竊查饒陽縣知縣陳晉陞署
開州知州遺缺按班應用大挑人員前因該處民
刁俗悍治理非易查有進士出身之捐班知縣汪
本才具老成奏請拔補以裨治理接准部覆以直
省知縣一項上次捐納後用至候補委用止今饒
陽縣一缺按班應用試用大挑直省大挑人數衆
多並不將應補之員按班補用乃以尙未到班之
捐納人員越次撥補與例不符應毋庸議其饒陽
縣知縣員缺應俟陳晉引

覓准陞開州知州後照例歸於月分銓選奉

旨依議欽此知照前來

臣

伏查饒陽縣一缺本係疲難中

缺幅頓廣濶訟獄繁多素稱難治逆犯劉玉隴卽籍隸該縣近日民俗不淳焉知不尙有餘黨應行查辦之事正多試用大挑舉人初膺民社難期勝任惟查有捐納知縣汪本前經委署樂城縣知縣地當孔道差務殷繁該員在任幾及一年辦理裕如經手倉庫錢糧並無絲毫虧短上年委署遷安縣知縣勸捐義穀五百餘石經臣奏請議敘欽奉上諭該督自行存記於計典保舉章疏內將勸捐義穀一

事一併敘入政績尙屬可行此時毋庸給予議敘嗣於彙奏義倉穀石案內復奉

諭旨知縣汪本令該督存記隨時鼓勵欽此又查鞏灤州王殿魁案內敎犯出力奏奉

諭旨交部議敘現准部議給予加一級各在案該員才具老成知重民事兩署縣篆頗著循聲且潔已自愛經手倉庫錢糧絲毫並無虧短實爲知縣中才守兼優之員以之補授饒陽縣知縣可期整頓况該員係欽奉

諭旨應行存記獎勵之員並非無故越次撥補可比又係

進士出身例應選用知縣因親老就教選補教授
嗣因六年俸滿復經保舉引

見奉

旨以知縣用遵例加捐分發亦與別項捐納人員不同

臣

爲鼓勵羣材地方緊要起見不揣冒昧謹再專摺
叩懇

皇上格外天恩俯准仍以汪本拔補饒陽縣知縣不特該
員感激

聖恩益加奮勉而於地方公事實屬大有裨益謹
奏

嘉慶二十一年五月十九日奉

上諭那彥成奏試用知縣懇恩拔補一摺前那彥成奏請將試用知縣汪本拔補饒陽縣知縣經吏部議駁茲據該督奏該員才守兼優且曾經奉旨存記鼓勵並非無故越次攙補加恩著照所請汪本准其補授饒陽縣知縣該部知道

嘉慶二十一年六月初八日

奏爲遵

旨覆

奏事竊

臣

於六月初八日承准軍機大臣字寄嘉慶二

十一年六月初七日奉

上諭新授西寧鎮總兵慶廉來京陛見朕看其人尙明白
現在直隸總兵內除馬蘭泰寧二鎮外其天津鎮祥啟
宣化鎮音登額正定鎮張大振三員居官情形那彥成
自所稔悉如該三員均能稱職卽無庸議倘於該地方
有不甚相宜者那彥成卽據實由驛奏聞候朕裁酌將
慶廉與之更調將此由四百里諭令知之欽此臣查天
津鎮總兵祥啟宣化鎮總兵音登額均係由直隸
督標中軍出身於直隸差務地方情形均極熟悉
該鎮等整飭營伍辦理各差俱屬厯練勸幹結實

可靠正定鎮總兵張大振雖係由甘肅營官陞任
但該鎮辦事認真於所屬錢糧交代操防緝捕少
有疎失者實能不徇情面立予揭稟教練兵丁亦
能嚴肅足資整頓三員均能稱職據臣查看尙無
不甚相宜之處似可無庸更調謹

奏奉

硃批知道了

嘉慶二十一年六月十八日

奏查投効緝捕之已革知縣儲斗南先經臬司盛泰派
委在直東豫交界一帶訪緝要犯嗣據該革員先

後孥獲罪祿畢闕一起麻星辰及王相弼二起均
經提省審明畢祿供認被教匪朱誠貫逼脅從逆
隨衆同往各處搶掠多次並曾聽從畢幅禮代楊
大學報仇殺死宋學詩一家三命又另傷二人畢
闕亦認係朱誠貫逼脅從逆隨衆搶掠並於軍務
告竣後有聽從已獲正法之畢大喜糾搶奪犯之
事麻星辰據認係隨徐安惻入教助逆抗拒官兵
受傷有據王相弼據認係從闕起隴習教從逆當
經臣彙摺

奏明大概供情仍飭該革員飛赴河澤等處密緝畢幅

禮等務獲此次又據該草員訪得畢幅禮在河南
考城縣楊橋地方藏躲隨馳赴該處將畢幅禮拏
獲供認係伊妻弟楊大學央令糾人報仇殺死一
家三命屬實該草員又赴長垣縣將起意糾邀之
楊大學及楊二學一併拏獲是該草員陸續訪拏
畢祿畢闖麻星辰王相弼畢幅禮五犯或助逆搶
掠抗拒或仇斃一家三命俱經供認明確法無可
貸查該草員儲斗南先由舉人大挑揀發直隸候
補知縣因隨同審訊大乘教孔傳標誣扳王肇興
等分用銀兩一案聽從長官指使專事刑求故入

張協中等滿徒之罪擬徒發配嗣奉清刑

恩旨不准減等該革員於徒配限滿呈請承挑永定河北
七工引河完竣先經奏准捐復知縣原官留直隸
用續奉

諭旨以儲斗南審訊孔傳標一案任意刑求故入人罪罰

嚴酷吏情節甚重不准捐復所繳銀兩均著擲還欽此

臣曷敢冒昧再行陳竇惟查該革員儲斗南自投

効緝捕以來設法購線不遺餘力雖禾弋獲單開

要犯而節次拏獲之畢祿等五犯實屬逆兇罪不

容誅該革員悔懼出力認真奮勉現當緝捕喫緊

之時自宜仰體

聖主逾格獎勵微勞必錄至意俾得一綫自新之路不致終身廢棄庶各該地方官益知聞風奮勉於緝捕倍有起色但此時遽請開復知縣未免過優合無
籲懇

天恩俯准將該革員儲斗南

賞准開復縣丞留於直隸差委如果能再獲要犯彼時臣

再行聲明奏請開復原銜謹

奏

嘉慶二十一年六月十八日奉

上諭那彥成奏緝捕出力之革員懇請開復等語已革知縣儲斗南著准其開復縣丞留於直隸差委該部知道
嘉慶二十一年六月十八日

奏查蔡明山張添棟二犯均係新雄營都司余國柄新城縣知縣陳景登原任遊擊劉乾忠候補縣丞包駁會同拏獲蔡明山係聽從李五入役助逆已到西華門之犯現經審認明確毫無疑議張添棟又名張起華是否卽係單開又次要之犯現請解部提同劉興庭質訊惟張起華已經供認伊次子張齡兒進京助逆係律應緣坐之犯該員等奮勉疆緝疊

獲要犯均宜仰體

聖主勸勵緝匪至意分別籲懇

恩施查新雄營都司余國柄前在滑縣軍營於賊匪黑夜
撲劫蘇雲龍營卡時蜂擁圍裹該員抄出後路帶
兵奮勇直入將賊匪冲突剿殺多名勞績最著彼
時臣因該員已於攻破滑縣案內奉

旨賞給三品頂戴是以未敢瀆請迨在新雄營都司任內
先後會同知縣陳景登拏獲逆案内杜有兒張鳳
于城兒李幅祿辛王氏分別解省解部擬斬擬遣
此次又拏獲蔡明山及張起華張拴兒三名實屬

認真出力應請將該都司余國柄

賞戴藍翎俟再有弋獲最要之犯請換花翎新城縣知縣
陳景登前由知縣洊陞薊州知州因失察書吏金
墨林詐贓斃命在公出期內檢驗屍傷復有錯誤
屍子控告又不能審出實情迅速詳報被察革職
經前督臣溫承惠

奏准在於豐潤營田効力限滿引

見奉

旨仍發直隸以知縣用嗣經題補新城縣知縣該員在新
城縣任內先後拏獲窩留逆犯張小猴之錢老容

及從逆未行之李添受李文元又會同余國炳拏獲杜有兒張鳳于城兒李幅祿辛王氏等此次又連獲蔡明山及張起華張拴兒三名該員勤樸結實認真出力應請將該知縣陳景登

賞准開復知州以知州補用已革遊擊劉乾忠先因教演

長矛不肯學習當衆頂撞經

臣 叅

奏革職嗣投効緝捕極知悔奮各處梭查不辭勞瘁此

次會同拏獲蔡明山及張起華張拴兒三名尙屬

奮勉該員年力正壯猶堪造就

臣

不敢因叅革在

先稍有迴護致令終身廢棄應請將該員劉乾忠

暫

賞給守備職銜俾得隨標効力以觀後効候補縣丞包駁
現在輪補實缺照例另行咨補該員當差勤幹派
委臚緝實力偵探此次會同拏獲蔡明山及張起
華張拴兒三名亦屬奮往應請將縣丞包駁

賞准於補缺後以應陞之缺先儘陞用以上各員

臣冒昧

陳懇實緣直省派委緝捕員弁自拏獲劉玉隴以
來均各奮勉不遺餘力嗣因委員周邦憲張景龍
於會拏王萬林一案張太其詞致奉解部究訊未
免稍存疑畏

臣疊荷

諭旨諄拳訓勉責成地方文武各官此次該員等實力訪緝得獲次要人犯如得仰荷

鴻慈俯准鼓勵臣得收指臂之效緝捕更有起色是否可行出自

聖主格外天恩謹

奏

嘉慶二十一年六月二十一日奉

上諭那彥成奏請將拏獲次要人犯各員懇恩鼓勵等語加恩著照所請新雄營都司余國柄賞戴藍翎新城縣知縣陳景登開復知州補用已革遊擊劉乾忠賞給守

備職銜候補縣丞包騏於補缺後以應陞之缺儘先陞
用該部知道

議改定告病人員題咨出缺日期

嘉慶二十年十二月初八日

奏爲正佐告病人員應請先行題咨以本員出詳之期卽爲開缺之日以杜趨避事據布政使錢臻呈稱向例外省正佐各官遇有降調所遺及丁憂告病病故員缺督撫具

題後卽准揀員請補不計出缺日期卽出缺在先候補人員到省在後亦准酌量題補嗣於嘉慶十九年奉部奏准定例嗣後一切陞補調補告病病故丁憂叅革等項總以該督撫具題具奏出咨之日作

爲開缺日期並於補缺陞調題咨咨補文內將出缺日期詳細聲敘以便核對以杜規避擇缺之弊等因遵照在案伏查外省陞調員缺如本人遇有事故本已題咨出缺在先所遺之缺應補何人題咨例有定限其病故員缺藩司接到報文亦應於十日內詳請題咨出缺至丁憂叅革之缺本應歸部選如該省有軍營保奏人員亦准留補隨案聲扣是陞調所遺以及丁憂病故叅革等項一經具奏具題出咨開缺卽可按班序補陞不能高下其手定例已極周密惟告病人員一項或由本員徑

自前京武由本管道府州縣詳轉外省辦理本不
畫一因定例必須委驗取結方准詳請題咨開缺
而應補之員隨得乘間擇缺之善惡從中舞弊掙
擱驗病委員每視爲無關考成非任意延緩卽徇
情擱壓甚或補員串通房科摘供結內小疵頻行
駁換往往有告病之缺本員出詳多時懸缺未補
並有先出之缺病結未到尙未題咨開缺不能序
補後出之缺病結已到業經題咨開缺卽可攬補
以致吏胥得以夤緣爲奸種種弊竇不可枚舉凡
此積弊各省均所不免伏思該員旣已告病如果

委驗屬實白應准其解任調理若有規避捏飾情弊亦卽應叅革治罪是本員一經告病斷不能復留本任自應先行題咨出缺以杜趨避况該員既經告病已存五日京兆之見書吏亦多呼應不靈若日久懸缺未補更恐公事漸致因循貽誤刑名擱壓錢糧弊混勢不能免應請嗣後丞倅牧令教裸等官患病卽令本員自行題詳並令出具並無捏病詭避印結隨詳同送藩司接到報文於五日內轉詳督撫督撫亦於五日內先行題咨開缺一而委員驗病如果該員患病屬實卽取具供結由

本管道府加結詳請咨部若係捏病詭避亦卽詳請叅革將所出之缺循例按班序補或歸部選分別辦理至委員驗病並各上司結轉日期除程限外應請各予分限十日於咨送供結內分晰扣明如有遲逾查明係由何處衙門遲延取具職名隨咨開送附叅如此酌定題咨出缺日期庶告病之缺不致輪補之員有所趨避舞弊捺結顛倒出缺日期卽委驗病結之員亦必自顧考成不致徇情任意稽延似亦澄敘官方之一道再道府告病向例亦係委驗取結後由督撫具奏開缺應否准其

回籍調治仍請

旨定奪今丞倅以下等官告病既請先行題咨開缺所有
現任道府告病亦請於接到本員詳稟先由督撫
奏明開缺仍委員驗病取結照例查辦以上各情節先
經面稟商定意見相同臣飭令查明具詳謹
奏奉

硃批吏部議奏

那文毅公初任直隸總督奏議卷五十一